

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 242794 24 St
Zenica, 17.10.2024. godine

Općinski sud u Zenici, stečajni sudija Samra Spahić-Drino, u stečajnom postupku nad stečajnim dužnikom Trgovinsko prometno društvo „TOP SPORT“ d.o.o. Kakanj, sa sjedištem na adresi Alije Izetbegovića broj K-15, Kakanj, matični registarski broj subjekta upisa 43-01-0563-09 (stari broj 1-7391), kojeg zastupa Advokatsko društvo „Hadžimahmutović“ d.o.o. Zenica, dana 17.10.2024. godine, donio je:

RJEŠENJE

Pozivaju se povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam u iznosu od 5.000,00 KM za obezbjeđenje troškova stečajnog postupka, na depozitni račun ovog suda broj: 134-010-0000044837 otvoren kod ASA Banke d.d. Sarajevo, Poslovna jedinica Zenica, te da po izvršenju uplati predujma sudu dostave uplatnicu, kao dokaz da je uplata izvršena.

Ukoliko povjerioci i zainteresovana lica u navedenom roku ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak nad imovinom društva Trgovinsko prometno društvo „TOP SPORT“ d.o.o. Kakanj, sa sjedištem na adresi Alije Izetbegovića broj K-15, Kakanj, matični registarski broj subjekta upisa 43-01-0563-09 (stari broj 1-7391), te po pravomoćnosti rješenja o zaključenju stečajnog postupka narediti brisanje ovog društva iz sudskog registra.

Obrazloženje

Predlagač Trgovinsko prometno društvo „TOP SPORT“ d.o.o. Kakanj, putem punomoćnika podnio je ovom sudu 08.03.2024. godine prijedlog za otvaranje stečajnog postupka zbog platežne nesposobnosti, jer je posljednjih godina došlo do problema u poslovanju i ostvareni prihodi nisu dovoljni za pokrivanje rashoda, tako da je društvo počelo iskazivati nelikvidnost.

Rješenjem ovog suda od 09.07.2024. godine pokrenut je prethodni postupak radi utvrđivanja uvjeta za otvaranje stečajnog postupka nad navedenim društvom, te je za privremenog stečajnog upravnika imenovan Begagić Jasmin iz Zenice, koji je na listi stečajnih upravnika.

Iz izvještaja privremenog stečajnog upravnika, koji je dostavljen sudu 28.08.2024. godine proizilazi da društvo ne posluje pozitivno od perioda Covida 19, odnosno od 2020. godine, nema trenutno uposlenih, da prema posljednjem Bilansu stanja od 2023. godine obaveze stečajnog dužnika iznose 242.769,00 KM i to najviše po osnovu obaveza prema dobavljačima u iznosu od 241.467,00 KM i to u iznosu 205.467,37 KM prema KM Trade d.o.o. Visoko, 34.000,00 KM prema ASA PVA Sarajevo, 1.252,00 KM prema Bosnet GROUP Sarajevo, 823,12 KM prema JP Grijanje Kakanj, 58,50 KM prema Neosoft Computers Zenica d.o.o., a iznos od 1.302,00 KM odnosi se na ostale obaveze. Dalje je naveo da stečajni dužnik nema obaveza po osnovu indirektnih poreza, kao i po osnovu obaveza na ime javnih prihoda, doprinosa za PIO/MIO, zdravstvo i nezaposlenost, da ima otvoren glavni transakcijski račun kod ASA Banke d.d. koji nije blokiran, da nema pokretne niti nepokretne imovine, da ima robu u vidu zaliha u iznosu od 13.405,00 KM koja je rashodovana i nije pronađena na adresi, da ima potraživanja od kupaca u iznosu od 93.008,00 KM, i to potraživanja prema dužnicima KM Trade d.o.o. u iznosu od 44.655,17 KM, ASA PVA d.o.o. Sarajevo u iznosu od 34.000,00 KM, a koja nisu utužena, te su ista

faktički u zastari. Dalje je naveo da društvo ostvaruje negativni finansijski rezultat, gubici u poslovanju se akumuliraju, te da stečajni dužnik ne izmiruje svoje dospjele obaveze duže od 60 dana, što je utvrđeno uvidom u knjigovodstvenu dokumentaciju stečajnog dužnika. Privremeni stečajni upravnik navodi da prijedlog za pokretanje stečajnog postupka nije podnesen u zakonskom roku, s obzirom da je osnova za pokretanje stečajnog postupka postojala mnogo ranije. Istakao je da se može otvoriti stečajni postupak, da je dopušten, da postoji stečajni razlog, ali da imovina nije dovoljna za pokrivanje troškova stečajnog postupka.

Privremeni stečajni upravnik je na ročištu održanom 17.10.2024. godine ostao u cjelosti kod izvještaja, te je izjavio da stečajni dužnik nema imovine u vidu nekretnina i pokretnih stvari, a što je utvrdio podnesenim zahtjevima i dostavljenim dopisima od strane Službe za imovinsko pravne geodetske poslove i katastar nekretnina Općine Kakanj, ZK ureda Općinskog suda u Kakanju, kao i rješenja MUP-a ZDK Odsjek za administraciju Kakanj. Istakao je da je uvidom u knjigovodstvenu evidenciju utvrdio da postoje obaveze uglavnom prema dostavljačima u iznosu od 242.769,00 KM, da stečajni dužnik faktički ne posluje od 2020. godine, da već duže vrijeme ne može finansirati tekuće obaveze niti može isplatiti dospjele obaveze prema dostavljačima. U odnosu na drugu imovinu koju stečajni dužnik posjeduje prema bilansu stanja i uspjeha ista se odnosi na potraživanja u iznosu od 93.008,16 KM, koja potraživanja se odnose prema dostavljačima iz poslovnih odnosa sa KM Trade d.o.o., i ASA PVA d.o.o. koja nisu međusobno kompenzirana i koja su u zastari, te se ista ne mogu smatrati izvjesno u naplati. Uvidom u transakcijski račun i izvještaj o računima poslovnog subjekta Centralne banke na dan 28.08.2024. godine, utvrdio je da račun nije blokiran, te da se na istom nalazi oko 500,00 KM. Izjavio je da smatra da ne postoji imovina u bilo kojem obliku dostatna da se pokriju niti djelimični troškovi otvaranja i vođenja stečajnog postupka, pa shodno tome predlaže sudu da postupi u skladu sa odredbama člana 102. stav 7. i 8. Zakona o stečajnom postupku. Na upis suda privremeni stečajni upravnik je izjavio da bi za pokriće troškova stečajnog postupak bio dovoljan iznos od 5.000,00 KM Punomoćnica predlagača Rut Kapin, advokatski pripravnik u Advokatsko društvo „Hadžimahmutović“ d.o.o. Zenica, izjavila je da je saglasna sa navodima privremenog stečajnog upravnika, izvještajem i da nema primjedbi.

Sud je odlučio kao u izreci iz sljedećih razloga.

Kako stečajni dužnik ima obaveze, a nema imovine, pa ni za pokriće troškove stečajnog postupka, to je sud primjenom odredbe člana 102. stav 7. i 8. Zakona o stečaju („Službene novine F BiH“, broj: 53/21), pozvao povjerioce i zainteresovana lica da predlože otvaranje stečajnog postupka i predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ukoliko su zainteresovani za vođenje stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka, imajući u vidu da prema izvještaju privremenog stečajnog upravnika stečajni dužnik nema imovine za pokriće troškova stečajnog postupka.

S obzirom na izloženo odlučeno je kao u izreci ovog rješenja primjenom odredbe članu 102. stav 7. i 8. Zakona o stečaju, a ovim rješenjem povjerioci i zainteresovana lica su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajni sudija:
Samra Spahić-Drino, s.r.